

Předsyda wozjewja, zo su „Štyrihłósne serbske spěwy“ w hornjej a delnej rěči hotowe, kotrychž płaćizna dyrbi so po dostaću a rozsudzenju zličbowanja w předsydstwje postajić. Zarjadnik maćičnego domu k. referendar Mütterlein předpołoža zličbowanje minjeneho lěta, kotrež so po wustawkach revisoromaj přepodawa. Pilnemu spisowarjej Č. přewostaja so džel lětnikow Časopisa po tunišej płaćiznje, dr. Fr. Krauszej we Winje pak maju so nā požadanje někotre wažniše wudaća M. S. připósłać, dokelž je nam někotre knihi darił a chce wo Serbach w časopisach pisać.

3) Posedženje předsydstwa a wubjerka, 15. hapryla 1886. Přitomni: kk. Hórnik, Fiedleř, dr. Grólmus, dr. Kalich, Kapleř, Mjeŕwa, Mütterlein a Skala. Najprjedy wuradžuje so dnjowski porjad hłowneje zhromadźizny, kotraž dyrbi na třeleńi być. Manuskript powědańčka k. Wehle přepoda so druhemu recensentej, dokelž je jón předsyda hižo přečitał. Předsyda žada přizwolenje kharty jako dodawk k Časopisej, kotryž na jutry jako cyły lětnik dohotowi. Potom jedna so wo dawno hotowej Bartkowej čitancy za šule, kotrejež dla k. farař Imiš ze šulskim rádžícelom jedna. Jako nowaj sobustawaj so přiwzaštaj: wyšsi wučeř Mūschner (Myšnař, rodž. Delnjołužičan) z Barlina a serbske burske towařstwo z Wojerec. Čita so džakny list dr. Krausza. Serbskemu spisowarjej přizwoli so džel Časopisa za poniženu płaćiznu. Skónčje wozjewja předsyda, zo je z nowym kolporteurom sam pola hejtmanstwa budyšskeho wobwoda pobył a tam dowolnosć za kolporteurske prawizny darmo dostał; hejtmanstwo Kamjencskeho wobwoda pak je z listom prosył, tak zo drje tež tam darmo to same so dowoli. Mjez druhimi dobroćelemi M. S. je k. P. A. Łukaszewicz zběrku knihow pósłał.

4) Hłowna zhromadźizna, 28. hapryla 1886. Wona džeržeše so na třeleńi w přítomnosći 74 sobustawow a přečelow M. S. Po wotewrjenju čitaše předsyda hłownu rozprawu, z kotrejež slědowace wuzběhujemy. Najwažniši podawk za M. S. běše extabulacija znateho dołha, na kotrehož město mjeńši njezapisany a po něčim wotpłaćomny zastupi, štož je w protokollach hižo powědane. Někotři běchu jako sobustawy (hl. w předkhadźacych protokollach) přistupili, zběrki běchu přiběrałe, jeno we wubudżowanju dobroćelow za dom dyrbimy wjetšu horliwość a wutrajnosć přeć! Wudał